



Broj: 22-04-44-1-118/19
Sarajevo, 29.04.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 26.04.2019. do 07:00 sati 29.04.2019. godine

Profesionalna vatrogasna jedinica Kantonalne uprave civilne zaštite Kantona Sarajevo:
U izvještajnom periodu pripadnici Profesionalne vatrogasne jedinice imali su 13 manjih intervencija, i to 9 požarnih intervencija, 1 tehničku intervenciju i 3 intervencije obezbjeđenja.

Požarne intervencije: 2 intervencije na gašenju niskog rastinja, 2 intervencije na gašenju devastiranih objekata, po jedna intervencija na gašenju smeća u kontejneru, šupe, dimnjaka, električnih instalacija i manjeg požara na balkonu.

Tehnička intervencija je bila na otvaranju zaglavljanih vrata stana a intervencije obezbjeđenja na Međunarodnom aerodromu Sarajevo prilikom pretakanja goriva (2) i u toku održavanja kulturnog događaja.

Napomena: U protekla 24 sata pripadnici Profesionalne vatrogasne jedinice imali su jednu intervenciju na gašenju manjeg požara na balkonu privatne kuće.



Gorska služba spašavanja – stanica Sarajevo: Na osnovu zahtjeva za pomoć u traženju nestale osobe, koji je Služba civilne zaštite općine Novi Grad Sarajevo uputila Kantonalnoj upravi civilne zaštite, a po nalogu direktora Kantonalne uprave civilne zaštite, dana 26.04.2019. godine u 17:55 sati, dva spasioca GSS-a sa psom tragačem izašla su na teren u potragu za nestalom osobom. Pretraga terena je vršena na području naselja Ahatovići i Bojnik a okončana je oko 20:00 sati. Nestala osoba nije pronađena.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila +7°C, vlažnost zraka 95%, barometarski pritisak 937 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1